



欽定歷代職官表

11

保
1544
16



454
16



欽定歷代職官表卷四十七

火器健銳虎槍各營表

火器營總統

	三	代	
	秦		
	漢		射擊校尉
	後漢		射擊校尉
	三國		射擊校尉
	晉		射擊校尉
	宋		射擊校尉
	魏		
	齊		
	後周		
	隋		
	唐		
	五季		
	宋		飛山軍 射擊校尉
	遼		射擊校尉
	金		射擊校尉
	元		射擊校尉
	明		射擊校尉

職官表卷四十七 火器健銳虎槍各營表 廣雅書局印

火器健銳虎槍各營

國朝官制

火器營總統六人

以王公或領侍衛內大臣都統前鋒統領護軍統領兼任

掌教演火器之政令初康熙三十年始置火器營設鳥槍護軍每人各給鳥槍一八旗各給子母礮五專司練習火器以王公大臣兼領初無定員雍正年開始定置六人乾隆十年以朝陽門內隆福寺前官房一所為火器營公署三十八年移住一半於廣仁宮後之御河旁別為一營以去城市遠俾得專心訓練焉

火器營左右翼翼長各一人

正三品

八旗掌關防營總每旗各一

人

正三品委署翼長二人在內

鳥槍護軍參領每旗各一人

正三品

副鳥槍護

軍參領每旗各二人正四品兼管礮位每旗各一人委署烏槍護

軍參領每旗各四人又五品頂帶花翎委署烏槍參領十人於

槍護軍校內選用仍食原餉烏槍護軍校每旗二十八人筆帖式每旗各二

人於護軍內選用仍食原餉

掌訓練火器較試以時每歲秋後於蘆溝橋演放子母礮

咸率其屬以從事焉其所移住御河旁一營兼在昆明湖

教習水戰營總乾隆二十九年置烏槍護軍參領初設十

六人均以旗員兼任雍正三年省察哈爾八旗護軍參領

改入火器營定為專設之缺乾隆二十七年省八人又初

制有烏槍驍騎參領二十四人烏槍驍騎校一百二十八

乾隆三十五年省驍騎參領以驍騎校額併入護軍校內

即以副護軍參領兼管礮位及委署護軍參領皆如今額

又有烏槍藍翎長每旗二十八人八旗滿洲蒙古每佐領

下烏槍護軍六人礮驍騎一人

健銳營總統無定員以王公大臣兼任

掌健銳營之政令督率所屬以時訓練乾隆十四年於八

旗前鋒護軍內簡雲梯精卒千人從征金川會其酋龔威

請命經略大學士忠勇公傅恆承

詔受降功成凱旋因

命以其眾特立為健銳雲梯營於香山寶勝寺傍建屋以居之

其官屬皆設為定額而以王公大臣兼理營務有缺則請

旨特簡焉

健銳營左右翼翼長各一人正三品八旗前鋒參領每旗各一人

正三品副前鋒參領每旗各一人正四品委署前鋒參領每旗各二

人即於前鋒校內選委前鋒校共五十人正六品副前鋒校共四十人即於前鋒校內選委

內選筆帖式四人即於前鋒內選前鋒軍演習水師教習漢人

侍衛十人把總十人

掌帥領營卒習雲梯馬步射鳥槍馳馬躍馬舞鞭舞刀之

枝每遇

巡幸則分其軍十之二以共隨扈之事又於昆明湖置趕繒船

八艘以教水戰駕船駛風咸精於其藝焉翼領等官俱乾

隆十四年置委署前鋒參領副前鋒校水師教習侍衛俱

乾隆十八年增置水師把總由天津及福建水師營選送

天津四人福建八人又藍翎長共五十人前鋒千人委署

前鋒千人養育兵百人水手七十二人

三旗虎鎗營總統一人以公侯領侍衛內大臣簡任三旗總領各二人以內

都統前鋒統領護軍統領副都統侍衛簡用虎槍長每旗各七人虎槍副長每旗各

七人均於虎槍內選用筆帖式六人內三人以七品虛銜仍食原餉委署三人無頂帶

掌以虎槍翽從凡遇

車駕蒐狩虎槍總統總領日以十人佩虎槍於前導侍衛前行

安營後偵虎豹出入備伏弩箭犁刀

行田遇大獸則列槍從之奉

旨殪虎或追踪或尋山得則具奏以獻將首先刺虎一二人名

奏

聞初康熙二十三年黑龍江將軍進精騎射善殺虎新滿洲四
十人至京分隸上三旗始置虎槍營設官以領之三旗虎
槍人共六百人於侍衛參領親軍校親軍前鋒校前鋒護
軍校護軍驍騎校驍騎領催及閑散人內選用初制設三
百六十人雍正元年增置每旗各八十人內虎槍人四百
八十人學習虎槍人一百二十人虎槍總統總領馬褂以
黃色槍長以紅色虎槍人以白色衿均鑲以青乾隆三年
始鑄給關防焉

歷代建置

謹案荀子稱齊之技擊不可以遇魏之武卒魏之武卒
不可以直秦之銳士自古有國家者於兵制常額之外

必有選鋒之軍訓練之眾教養於平時而收其效於一
旦以資臂指而壯聲靈所關至鉅我

朝法制周密軍威宣密康熙中特置火器營以練槍礮虎
槍營以格殪猛獸政一令專技精藝熟為前代所未有
我

皇上聖武維揚萬方震疊自歲己巳始以雲梯勝兵拊置健
銳營於香山勁旅如雲無不一當千百復以歲時

親臨簡閱號令嚴明節制有方屹為干城腹心之選嗣是
王師撻伐所至蕩平搗穴擒渠多恃是軍之宣勞著績仰見
睿謨廣運條畫精詳儲材豫而收效遠實為超軼前代謹以
列史所載詳加攷核如漢之八校尉唐之神策軍宋之

四上軍邊之皮室舒新軍雖其勇練皆不足以當今之萬一而特選精卒別設營制其用意尙有略相彷彿者至火器之制自古所無凡史所謂礮者皆以機發石而已元初得西域礮攻金蔡州城始用火然其造法不傳後亦罕用至明成祖平交阯得神機槍礮法因置神機營以肄習之行軍之用火器實權輿於此故求之前代尤無足以相擬惟當時或以善射或以習弩亦爲之別置一軍則一技專長未嘗不可援爲比附用是取其近似徵撫大略著之於篇庶俾列代得失之由藉以攷見一二其實

國家制度之盡善教訓之有方互古無倫初非秦漢以降武備弛缺者所得相提而並論也

三代

李善文選注周有七萃之士萃聚也亦猶傳有七輿大夫聚集有智力者爲王之爪牙

謹案周制有六軍三軍之名雖未嘗別立一軍如我朝之健銳營然攷六韜練士篇太公曰軍中有大勇力敢死樂傷者聚爲一卒名曰冒刃之士有銳氣壯勇強暴者聚爲一卒名曰陷陣之士有奇兵長劍接武齊列者聚爲一卒名曰勇銳之士有披距伸鉤強力多力潰破金鼓絕滅旌旗者聚爲一卒名曰勇力之士有踰高絕遠輕卒善走者聚爲一卒名曰寇兵之士其曰聚爲一

卒則七萃之義也蓋萃亦聚也吳子圖國篇云民有膽
勇氣力聚爲一卒樂以進戰效力以顯其忠勇者聚爲
一卒能踰高超遠輕足善走者聚爲一卒亦與太公六
韜同皆沿七萃之制則略如今之健銳營矣圖國篇又
云一軍之中必有虎賁之士力輕扛鼎足輕戎馬搴旗
取將必有能者若此之等選而別之愛而貴之是謂軍
命亦如今之健銳營甲於諸營也凡此雖未獨立軍名
而義可互證故附識於此

穆天子傳天子西遊射於中口命虞人掠林有虎在於葭
中天子將至七萃之士高奔戎生捕虎而獻之天子命爲
柙畜之東虞是曰虎牢

謹案周書世俘第四十武王狩禽虎二十有二貓二麋
五千二百三十五犀十有二鼈七百二十有一熊百五
十有一羆一百一十有八豕三百五十有二貉十有八
麀十有六麝五十麋三十鹿三千五百有八當時擒虎
之多至二十有二他猛獸無論雖事見逸書未能一一
徵信要可與今虎槍營職掌互證焉酈道元水經注顏
師古漢書注皆引七萃之士生捕虎之文王融曲水詩
序稱七萃連鑣虞義詩亦云雲屯七萃士蓋周制於虎
賁之外別有此七萃之士其勇力足以捕猛獸正如今
之有虎槍營也惟是虎雖可以力斃而難以生擒伏讀
御製叢薄行云叢薄之中間有虎三子逐逐隨其母槍斃於

菟及一子其子曳尾藏深莽惡獸應弗留餘孽是非所云
不探卵叶因命生擒觀壯材羽林徼虜皆暴怒兩人搏一
何足云一人獨攫誠堪詡其名乃曰見多爾索倫侍衛中
英楚手尾挈領安且詳須與虎兕入柙攜被斑綺白涉鋪
張豈似今朝萬目觀喜亦詎爲萬目觀適有新歸化布魯
天藻煌煌賦事徵實蓋負嵎巨虎非用虎槍及虎神槍利器
難以就殲惟小虎乃可生捕耳穆天子傳生捕虎之文
究屬夸飾無關典要也

秦無可攷

漢

漢書百官公卿表中壘校尉掌北軍壘門內外掌西域屯

騎校尉掌騎士步兵校尉掌上林苑門屯兵越騎校尉掌
越騎長水校尉掌長水宣曲胡騎又有胡騎校尉掌池陽
胡騎不常置射聲校尉掌待詔射聲士虎賁校尉掌輕車
皆武帝初置有丞司馬

漢書刑法志武帝平百粵內增七校外有樓船皆歲時講
肄修武備晉灼注百官表中壘屯騎步兵越騎長水胡騎
射聲虎賁凡八校尉胡騎不常置故此言七校

程大昌雍錄其八屯校尉惟中壘射聲虎賁屯騎當在城
中而四屯悉在城外故步兵校尉掌上林苑門之兵越騎
校尉掌越人內附之騎長水校尉則掌胡騎之在長水宣
曲者也胡騎校尉則掌胡騎之在池陽者也總都城而言

所屯則在上林城西南長水宣曲在城東南胡騎在城北
渭水之外宣曲固在城東而城西昆明池旁亦有宣曲然
而長水校尉所掌必在城東爲其與長水相附
也並

馬端臨文獻通攷山齋易氏曰案劉屈氂傳太子使如侯
持節發長水及宣曲胡騎皆已裝令侍郎莽通使長安追
捕如侯告胡人曰節有詐勿聽也遂斬如侯引騎入長安
蓋中壘在北軍而步兵在上林苑門長水兼掌長水及宣
曲胡騎則在長水及宣曲皆在長安城外顏師古以長水
在今鄠縣東長水鄉是知八校分屯不專在一所雖同名
北軍而各以校尉領之不屬中尉之北軍此八校尉所以
自列於城門校尉之後而中壘校尉亦別掌北軍壘門內

外不屬金吾也蓋金吾秩中二千石而八校尉皆秩二千
石其位亦重矣

季本禮疑圖案八校尉之置所以分中尉之權也八校尉
之軍舊皆三輔番上爲中尉之所專統特以中壘令丞設
軍壘別置精兵以備警急耳今中壘升爲校尉專掌壘門
屯兵不屬中尉蓋八校尉之所掌者取選募之精兵分屯
城內但其所領事有時在外如長水池陽之類故其分屯
不常專在一所而定則猶存城內北軍之名也惟中壘猶
與中尉相關而中尉之所掌已分執金吾之職尙不廢徼
循京師與戍中都官之舊耳此武帝慮患防奸之術也但
章氏謂武帝旣增校尉恐中壘之權太重則明指中壘統

七校尉如光武之以北軍中侯監五營校尉也殊不知中壘與七校本皆秩二千石不相統屬自足相制烏得云中壘之權太重邪又三輔黃圖謂中壘屯騎虎賁步兵越騎長水胡騎射聲八營宿衛王宮亦非矣蓋此八營卽八軍也豈以光武時并爲五營校尉皆掌宿衛兵而遂謂八校尉亦同其制歟大抵章氏之說本於補兵志多雜後來改更之制不若易氏攷究之精詳也

謹案漢制以南軍掌宿衛如今之前鋒護軍營北軍掌徼循京師如今之步軍營與火器健銳諸營職掌均不相合惟刑法志謂武帝內增七校外有樓船皆歲時講肄修武備是武帝於北軍之外募增七校以爲勁兵專

備征伐無宿衛徼循之事其材力超越特出諸軍之上頗近今之火器健銳諸營攷之於史李陵傳漢遣貳師

伐大宛使陵將五校兵隨後

案後漢始并八校爲五營此云五校蓋用八校之五

耳非後漢之五校也

霍光傳發材官輕車北軍五校士趙充國傳

有詔將八校尉與驍騎都尉金城太守合疏捕山間虜元帝本紀永光二年西羌反以太常任千秋爲奮威將軍別將五校並進是當時出兵征討皆藉八校之力可知其勇銳實甲於諸軍也今核其職掌長水校尉屯長水宣曲胡騎校尉屯池陽與今健銳營別駐香山者其制正同越騎校尉如淳謂越人歸附以爲騎也山堂攷索及文獻通攷謂募知越人事者爲越騎越人習水戰

故用之亦與今健銳營掌練習水師者相合而步兵校尉掌上林苑門屯兵則今健銳營倣效

圓明園護軍營該班值宿之制每日以參領一人前鋒校前鋒十名守衛

靜宜園宮門亦其遺意至射聲校尉掌待詔射聲士服虔

曰射聲工射者也

案服虔釋射聲二字謂冥冥中聞聲則射之於義未安應劭謂詔所命為

射故曰待詔射然則射字屬上讀非射聲也當時以射聲名官義雖難解而如服虔所云涉於荒渺未足為據

是獨以一技名官與今火器之設為專營者亦差相彷彿矣

漢書宣帝本紀應募伏飛射士注服虔曰周時度江越人在船下負船將覆之伏飛入水殺之漢因以材力名官如

淳曰呂氏春秋荆有茲飛得寶劍於干將渡江中流兩蛟

繞舟茲飛拔劍赴江刺兩蛟殺之荆王聞之仕以執圭後

世以為勇力之官茲伏音相近臣瓚曰本秦左弋官也武

帝太初元年改曰伏飛官有一令九丞在上林苑中結罾

繳弋鳧雁歲萬頭以供祀宗廟師古曰取古勇人以名官

熊渠之類是也亦因取其便利輕疾若飛故號伏飛

謹案伏飛亦漢之精兵有一令九丞以領之別屯上林

苑中攷漢書載充國將兵伐先零宣帝遣其子右曹中

郎將卬將期門伏飛為支兵馮奉世為右將軍伐西羌

亦將越騎伏飛以往是當時調發多及此兵蓋亦取其

驍捷可用正如今之健銳營也

漢書百官公卿表水衡都尉有輯濯令丞注如淳曰輯濯船官也師古曰輯讀與楫同音集濯音直孝反皆所以行船也

漢書劉屈氂列傳發輯濯士以予大鴻臚商邱成顏師古注輯濯主用輯及濯行船者也短曰輯長曰濯

漢書枚乘列傳遣羽林黃頭循江而下注蘇林曰羽林黃頭郎習水戰者也師古曰鄧通以權船為黃頭郎

應劭漢官儀高祖命天下選能引關蹶張材力武猛者以為材官樓船常以秋後講肄各有員數

謹案漢初即置樓船士故楊僕嘗為樓船將軍而地理志廬江郡亦有樓船官蓋主以水軍習戰者然此皆郡

國所置不必盡在都城惟輯濯令丞所領有輯濯士劉屈氂發之以與衛太子戰而黃頭郎又屬之羽林此則舟師之在長安者正如今健銳營有演習水師之比矣

王應麟玉海漢初軍制弩則有弩將射則有樓煩將長鉞都尉以長鉞為職顏師古曰長鉞長刃兵也為刀而劍形

謹案弩將樓煩將長鉞都尉皆各以其技自成一隊亦頗近今之火器營也

後漢書百官志屯騎校尉一人司馬一人越騎校尉一人司馬一人步兵校尉一人司馬一人長水校尉一人司馬胡騎司馬各一人射聲校尉一人司馬一人右屬北軍中候

後漢書何進傳是時置西園八校尉以小黃門蹇碩爲上軍校尉虎賁中郎將袁紹爲中軍校尉屯騎都尉鮑鴻爲下軍校尉議郎曹操爲典軍校尉趙融爲助軍校尉淳于瓊爲佐軍校尉又有左右校尉

謹案東漢省八校爲五校領屬於北軍中候則已同爲宿衛之兵與西京之各置別營者有別然攷後漢紀傳所載如耿秉副竇憲發北軍五校擊匈奴行車騎將軍鄧鴻將北軍五校士討叛胡劉尙發北軍五營征羌鄧騭將北軍五校擊涼郡叛羌車騎何熙將五校營士擊烏桓羌入河東使北軍中候朱寵將五營士屯孟津屯騎班雄將五營兵屯長安三輔征西馬賢將軍校士屯

漢陽執金吾張喬以五校士屯三輔竇武張奐何進皆以五營士屯都亭是當時摧鋒陷陣亦仍以五校爲勝兵則與西京之制固不甚相遠也至西園八校尉則皆特置之軍雖以宦官統領貽譏史冊而推其本意蓋亦仿西京八校而設所以練習武備耳

三國

〔三國蜀志秦宓列傳〕拜左中郎將長水校尉董和列傳胡博歷長水校尉廖立列傳後主襲位徙長水校尉

〔三國蜀志張裔列傳〕裔以射聲校尉領劉府長史

〔三國蜀志向朗列傳〕後主踐阼爲步兵校尉

〔三國蜀志楊洪列傳〕爲越騎校尉

三國吳志三嗣主列傳太平二年步兵校尉鄭胄

謹案據三國志所載則蜀漢孫吳各有五校略如東漢之制至曹魏雖置有此職然攷裴松之注引魏氏春秋稱阮籍聞步兵校尉闕廚多美酒營人善釀酒求為校尉遂縱酒昏酣遺落世事則是魏世五校已為冗職無復兩漢之任至晉而遂從省併宋代雖復置亦僅存虛名故並略而不著云

晉

〔晉書職官志〕二衛始制前驅由基彊弩為三部司馬各置督史又置武賁羽林上騎異力四部并命中為五督

〔宋書百官志〕晉太康十年立射營弩營置積射強弩將軍

主之

謹案晉之由基司馬異力督蓋特選精銳者為一部當如今之健銳營而射營弩營則如今之有火器營也

宋齊梁陳

謹案自南北朝以後五校尉及積弩積射強弩等將軍皆為虛名以授軍功得官之人並無職掌今不復採列謹識於此

北魏 未置

北齊 未置

後周 未置

隋 未置

唐

〔新唐書兵志〕至德二載置衙前射生手千人亦曰供奉射生官又曰殿前射生手分左右廂總號曰左右英武軍上元中以北衙軍使衛伯玉爲神策軍節度使鎮陝州中使魚朝恩爲觀軍容使監其軍初哥舒翰破吐蕃臨洮西之磨環川卽其地置神策軍以盛如璆爲軍使及安祿山反如璆以伯玉將兵千人赴難伯玉與朝恩皆屯於陝時邊土陷蹙神策故地淪沒卽詔伯玉所部兵號神策軍以伯玉爲節度使與陝州節度使郭英乂皆鎮陝其後伯玉罷以英乂兼神策軍節度代宗卽位以射生軍入禁中清難皆賜名寶應功臣故射生軍又號寶應軍廣德元年代宗

避吐蕃幸陝朝恩舉在陝兵與神策軍迎扈悉號神策軍天子幸其營及京師平朝恩遂以軍歸禁中自將之然尙未與北軍齒也永泰元年吐蕃復入寇朝恩又以神策軍屯苑中自是寢盛分爲左右廂勢居北軍右遂爲天子禁軍非他軍比德宗卽位神策兵雖處內而多以裨將將兵征伐往往有功貞元二年改神策左右廂爲左右神策軍特置監句當左右神策軍以寵中官而益置大將軍以下又改殿前射生左右廂曰殿前左右射生軍亦置大將軍以下俄改殿前左右射生軍曰左右神威軍置監左右神威軍使左右神威軍皆加將軍二員自肅宗以後北軍增置威武長興等軍名數頗多而廢置不一惟神策神威最

盛其後京畿之西多以神策軍鎮之皆有屯營十四年又詔左右神策置統軍以崇親衛如六軍時邊兵衣饜多不贍而戍卒屯防藥茗蔬醬之給最厚諸將務爲詭辭請遙隸神策軍稟賜遂贏舊三倍繇是塞上往往稱神策行營皆內統於中人其軍乃至十五萬元和三年廢左右神威軍合爲一曰天威軍八年廢天威軍以其兵騎分隸左右神策軍及僖宗幸蜀田令孜募神策新軍爲五十四都離爲十軍令孜自爲左右神策十軍兼十二衛觀軍容使以左右神策大將軍爲左右神策諸都指揮使諸都又領以都將亦曰都頭

新唐書百官志左右神策大將軍各一人正二品統軍各二人正三品將軍各四人從三品掌衛兵及內外八鎮兵護軍中尉各一人中護軍各一人判官各三人都句判官二人句覆官各一人表奏官各一人支計官各一人孔目官各二人驅使官各二人

唐會要光啟元年四月以田令孜爲左右神策十軍使令孜募新軍五十四都每都千人左右神策各二十七都分爲五軍令孜總之

謹案唐以十六衛爲南衙乃宿衛之兵又有北衙禁軍皆開元以後所置而神策爲北衙兵之一其初本以邊兵入衛後遂漸增其額分屯近畿凡征伐四方多用之以取勝唐代京城諸軍神策爲最故唐書以爲勢居北

軍右非他軍比者是也唐文粹載李庚西都賦稱親兵百萬制以神策紫身豹首金腰火額獵霞張旆剝犀綴革奮目如虎眦振髯而蝟磔柔六鈞貫七札別有陳旌賜鉞閭外四十依榆關而作鎮拒柳營而開壁其形容甚至則是軍之精勁可知當時如劉沔郝廷玉范希朝李晟等本出神策軍皆爲名將其制蓋頗近今之健銳營而射生軍則頗近今之虎槍營特唐代以中官主之浸至尾大不掉驕橫日甚逮昭宗既誅宦者遂廢神策以隸六軍而唐亦益弱終至滅亡總由其措置失宜無以激士氣而固根本耳

五季 未置

宋

〔玉海〕宋殿前司有捧日天武左右四廂馬軍司有龍衛左右廂步軍司有神衛左右廂各有都指揮使每軍有都指揮使都虞候每指揮有都副指揮每都有軍使副兵馬使〔宋史職官志〕捧日四廂管舊城左廂及殿前司馬軍天武四廂管舊城右廂及殿前司步軍龍衛四廂管新城左廂及馬軍司馬軍神衛四廂管新城右廂及步軍司步軍謂之上四軍各有左右廂廂各三軍

〔禮疑圖〕宋殿前侍衛兩司卽唐禁內六軍之制而捧日天武龍衛神衛之名則又因諸軍之散而收神策爲殿後四軍之遺也

玉海乾德三年詔郡國選兵之驍勇者部送闕下太祖親閱之中選者萬餘人以騎軍爲驍雄步軍爲雄武並隸侍衛親軍

謹案宋殿前司以捧日天武爲上軍侍衛司以龍衛神衛爲上軍通攷載建隆元年詔殿前侍衛二司各閱所掌兵練其驍勇升爲上軍則上軍皆以簡閱而升與今健銳營之選前鋒護軍勁卒別置一營者其制頗爲相近至驍雄雄武二軍雖由郡國部送而別選驍勇立爲軍額亦卽四上軍之比故並載於此篇

玉海建隆二年幸飛山營閱礮軍開寶九年幸西教場觀飛山兵案礮咸平五年置廣捷兵五指揮先是帝聞南方以標槍勇牌爲兵器命有司製之令內侍蕭延皓取廣德軍教習至是試於便殿悉呈其技頗精練帝以爲可用特立爲是軍祥符六年詔在京諸軍內選江淮習水卒於金明池試戰棹立爲虎翼軍置營於池側七年詔諸州簡兵有善水者以補神衛水軍仁宗卽位十有二年幸安肅教場觀飛山雄武發礮紹興未置御前萬弩營乾道五年復置名曰神勁軍

葉夢得石林燕語瓊林苑金明池宜春苑玉津園謂之四園瓊林苑乾德中置太平興國中復鑿金明池於苑北導金水河水注之以教神衛虎翼水軍習舟楫因爲水嬉

宋實錄建隆四年四月庚寅內出緡錢募諸軍子弟數千

人鑿池於朱明門外令右神武上將軍陳承昭護其役將
習水戰也

〔李心傳建炎以來朝野雜記〕平江許浦水軍本明定州海
水軍舊隸沿海制置司乾道中改隸殿前司以三千人爲
額五年冬又改爲御前水軍八年春併歸許浦淳熙四年
冬以七千爲額江陰水軍舊自泉州調發乾道三年以其
勞費奏畱屯二千人於江陰軍而沿海制置司又別屯千
人淳熙末增置四千此外左翼軍亦有水軍三千摧鋒軍
三千福州延祥寨千人鎮江建康池江鄂州御前諸帥亦
各有水軍其後殿司又有澈浦水軍而淮陰靖安唐灣采
石諸水軍則皆冠以御前水軍之號

謹案宋飛山營專領礮兵正似今之火器營而廣捷軍
習標槍神勁軍習弩各名一藝亦屬相近至虎翼軍領
水卒而神衛廂兼有水軍則又近今健銳營之教習水
師矣

遼

遼史兵衛志皇后述律氏居守之際摘蕃漢精銳爲舒新
滿洲語鑿也原軍太宗益選天下精甲置諸爪牙爲皮室
作屬珊今改正軍合騎五十萬國威壯矣

〔遼史百官志〕左皮室詳袞司右皮室詳袞司北皮室詳袞
司南皮室詳袞司太宗選天下精甲三萬爲皮室軍初太
祖以行營爲官選諸部豪健千餘人置爲腹心部耶律隆

科滿洲語銅也原以功爲右皮室詳袞司則皮室軍自

太祖時已有即腹心部是也太宗增多至三十萬耳○舒

新軍詳袞司應天皇太后置軍二十萬選蕃漢精兵○礮

首軍詳袞司掌飛礮之事○弩手軍詳袞司掌強弩之事

謹案遼代選精甲爲皮室舒新二軍亦如今健銳營之

比而礮首弩手二詳袞司則如今之有火器營也

金

金史兵志舊常選諸軍之材武者爲護駕軍海陵又名上

京龍翔軍爲神勇軍正隆二年將南伐乃罷歸使就僉調

後於侍衛親軍四明安內選三十以下千六百人騎兵曰

龍翔步兵曰虎步

金史百官志威捷軍永安二年簽弩手千人鈐轄正六品

都轄從九品

謹案金之龍翔虎步軍大定閒改爲拱衛司以謹嚴儀

衛已別繫之鑾儀衛篇然其初實於親軍內特選精甲

以充之則與今健銳營之制亦頗有相近者故仍互見

於此至威捷軍專司弩手則亦今火器營之比也

元

元史百官志回回礮手軍匠上萬戶府秩正三品至元十

一年置礮手總管府十八年始立爲都元帥府二十二年

改爲萬戶府後定置達嚕噶齊解見戶部篇萬戶一員副萬戶

一員經歷知事提控案牘各一員令史四人譯史一人鎮

撫二員千戶所三翼達嚙噶齊三員千戶三員副千戶三員百戶三十二員彈壓六員

謹案元代樞密院大都督府所領諸衛以備宿衛征討其職掌約略相同並無選擇驍勇別爲一營之事惟回回礮手軍匠上萬戶府則卽所謂西域火然礮法元初嘗以之攻蔡州城者實今火器營所由昉也

明

明史兵志成祖平交趾得神機槍礮法特置神機營肄習製用生熟赤銅相間其用鐵者建鐵柔爲最西鐵次之大小不等大者發用車次及小者用架用椿用托大利於守小利於戰隨宜而用爲行軍要器至嘉靖八年從右都御

史汪鉉言造佛郎機礮謂之大將軍發諸邊鎮佛郎機者國名也正德末其國舶至廣東白沙巡檢何儒得其制以銅爲之長五六尺大者重千餘斤小者百五十斤巨腹長頸腹有修孔以子銃五枚貯藥置腹中發及百餘丈最利水戰駕以蜈蚣船所擊輒糜碎其後大西洋船至復得巨礮曰紅夷長二丈餘重者至三千斤能洞裂石城震數十里天啟中錫以大將軍號遣官祀之明置兵仗軍器二局分造火器凡數十種正德嘉靖間造最多

明史職官志神機營設中軍左右哨左右掖選勳臣二人提督之其管哨掖官曰坐營坐司亦率以勳臣爲之又設把總把司把牌等官嘉靖二十九年設副參遊佐坐營號

頭中軍千把總等官神機營戰兵一營左副將一戰兵二
營練勇參將一車兵三營遊擊將軍一車兵四營佐擊將
軍一城守五營佐擊將軍一戰兵六營右副將一車兵七
營練勇參將一城守八營佐擊將軍一城守九營佐擊將
軍一城守十營佐擊將軍一備兵佐營官一大號頭官一
謹案明置神機營以肄習鎗礮又置兵仗軍器二局以
分司製造而火器之制始備然此卽京軍三大營之一
明代自諸衛上直軍外戰守武備惟恃三營而中葉以
後兵柄主之宦官將領盡出統袴非但不知訓練甚至
買閒占役尺籍空虛成化中雖常分其等次以一等者
爲選鋒操練次等者爲老家供役而富軍憚營操征調
率賄將弁置老家數中貧者雖老疲轉入一等操練而
缺伍名額又每爲權貴所隱占支糧則有調遣則無是
以軍數雖多衰耗實甚非但不可以言精銳卽求其能
執兵應操者亦十無一二歷代以來軍政之壞益未有
如明之甚者矣

欽定歷代職官表卷四十七

番禺許之璇初校
懷寧丁樹屏覆校
番禺陶福祥再覆校

盛京等處駐防副都統

右扶風
都尉
京兆虎
牙都尉

六鎮鎮
都大將
六鎮鎮
大將

北京副北京副
雷守
雷守

東京都羅州招領北行協同守
詳委司討使 樞密院備南京
湯河詳 夫管路 知院專各使伯
委司 節度使 安撫高
威州兵 李賓路 屬軍民
馬詳 委節度使 總管府
司 哈斯罕 遼東路
東北路 路節度 總管府
兵馬詳使 沿邊各
委司 呼爾哈 元帥
東北路 路節度
女直詳使
委司 威平路
北女直總管
兵馬司 威州軍
帥司
達喇部
族節度
唐古部
使 族節度

盛京等處駐防總管城守尉協領等官

六鎮各
鎮將

東設汶北京巡
都防禦使
東鐵汝
防禦副
使

東京契夫餘路 海蘭府 南京各
丹奚漢節度副 碩連勒 衛指揮
渤海四使 達等路使
軍都指率賈路 屯軍民 南京各
軍使司節度副 舊戶府 衛總撫
銅州北使 呼爾哈 南京各
兵馬指呼爾哈 軍民萬 衛千戶
揮使司路節度 戶府
深州南副使 鄂多理
兵馬指 軍民萬
揮使司 戶府
黃龍府 托果琳
鐵驍軍 軍民萬
詳委司 戶府
威州紮 布呼軍
將 民萬戶
府 夫餘路
屯田萬
戶府 肇州蒙
古萬戶
威平萬
戶府

職官表卷四十一 盛京將軍等官表

廣雅書局印

將軍副都統衙門理事知事等官

東北路
上京
副都統
守兼兵
學法官
馬都總

管判官
見奉
天府
尹表

南京各
衛經歷
知事吏
目倉大
使副使

盛京將軍等官

國朝官制

盛京將軍一人

駐京城

副都統三人

一駐盛京

一駐錦州府

一駐熊岳城

將軍掌鎮撫

留都安輯旗民董率文武凡軍師卒戍田莊糧糈之籍疆域之廣輪關梁之要隘咸周知其數以時簡稽而修飭之副都統各守分地以贊其治初順治元年

世祖章皇帝定都燕京以內大臣一員副都統二員及每旗駐防

章京留守

盛京三年改駐防大臣為昂邦章京給鎮守總管印康熙元年改為鎮守遼東等處將軍四年改鎮守奉天等處將軍

乾隆十二年改奉天將軍為鎮守

盛京等處將軍其副都統二員雍正五年以一員移駐錦州府又增置熊岳副都統一員

盛京等處駐防城守尉十人協領十人佐領一百二十四人防禦九十九有二人驍騎校二百有四人

凡

盛京駐防之地自將軍所治外其所屬各城曰

興京曰撫順曰遼陽曰海城曰蓋州曰開原曰鐵嶺曰復州曰寧海曰旅順水師營曰岫巖城曰鳳凰城曰錦州府曰熊岳曰小凌河曰寧遠曰中前所曰中後所曰廣寧曰巨流河曰白旗堡曰小黑山曰閭陽驛曰義州邊門十六曰

威遠堡曰英峩門曰懋廠曰旺清曰靉河曰鳳凰城右俱屬

盛京兵部而將軍兼統之曰法庫曰松嶺子曰新臺曰梨樹溝曰白石

嘴曰明水塘曰彰武臺曰清河曰白土廠曰九關臺右俱屬

所皆設兵駐守置城守尉協領佐領防禦等官各視兵數

多寡定額有差以掌巡防譏察之事又有委官一百人皆以七品冠帶食領催前鋒錢糧乾隆二十七年置

盛京將軍衙門主事一人筆帖式十有一人各處駐防衙門筆帖式十有三人倉官六人

分掌行遣案牘及糧儲出納之事

吉林將軍一人駐吉林副都統五人一駐吉林一駐寧古塔一駐

阿勒楚喀副都統一人駐吉林副都統一人駐寧古塔副都統一人駐三姓地方副都統一人駐

將軍掌鎮守吉林烏喇等處地方繕固鎮戍綏和軍民秩
祀山川輯寧邊境副都統各守分地以贊其治初順治十
年始設昂邦章京於寧古塔以鎮其地康熙元年改昂邦
章京爲鎮守寧古塔等處將軍十五年以寧古塔將軍移
駐吉林乾隆二十二年改爲吉林將軍吉林副都統康熙
十五年置三十一年移駐白都訥雍正三年復置寧古塔
副都統順治十年置白都訥副都統康熙三十一年自吉
林移駐三姓副都統雍正十年置阿勒楚喀副都統乾隆
二十一年置又初置有拉林副都統一員乾隆三十四年
省

吉林等處駐防總管一人協領二十有五人參領一人佐領一
百十九人防禦八十有一人驍騎校一百十六人管水手四品
官二人五品官二人六品官二人

凡吉林駐防之地自將軍所治外其所屬各處曰寧古塔
曰白都訥曰三姓曰阿勒楚喀曰拉林曰打牲烏喇曰伊
屯曰鄂謨和索囉邊門四曰巴延鄂佛囉曰伊屯曰克爾
素曰布爾圖庫蘇巴爾漢皆設兵駐守置總管協領參領
佐領防禦等員各視兵數多寡定額有差職掌與

盛京各駐防同

吉林理事同知一人獄官一人吉林將軍衙門主事一人筆帖
式十有二人白都訥副都統衙門委署主事一人各處駐防衙
門筆帖式二十有八人管臺站筆帖式十有八人管倉筆帖式

十有二人倉官七人助教十人

同知掌聽旗民獄訟之事主事等官分掌文案郵傳倉儲
教習之事初雍正四年設永吉州於吉林長寧縣於白都
訥置知州知縣吏目典史等官俱屬奉天府乾隆元年省
長寧縣併入永吉州十二年罷永吉州改設吉林理事同
知隸於吉林將軍焉

黑龍江將軍一人

駐齊齊哈爾一駐
哈爾城

副都統三人

一駐齊齊哈爾一駐
墨爾根一駐黑龍江

將軍掌鎮守黑龍江等處地方均齊政刑修舉武備綏徠
部族控制東陲副都統各守分地以贊其治初康熙二十
二年始置黑龍江將軍及副都統二十九年移黑龍江將
軍駐墨爾根三十八年復駐齊齊哈爾城齊齊哈爾副都

統康熙三十七年自墨爾根移置墨爾根副都統康熙四
十九年置黑龍江副都統康熙二十二年置

黑龍江等處駐防副都統銜總管一人城守尉一人協領十有
六人總管七人參領一人副總管二十有六人佐領二百三十
八人防禦二十有四人驍騎校二百三十一人護軍校二人管
水手四品官四人五品官二人六品官四人管造船四品官一
人五品官一人六品官一人

凡黑龍江駐防之地自將軍所治齊齊哈爾外其所屬各
處曰墨爾根與黑龍江齊齊哈爾各置水師營曰呼倫布
兩爾曰呼蘭城曰布特哈曰博爾多皆設兵駐守沿邊卡
倫四十有六皆遣官率兵防戍置城守尉總管副總管協

領參領佐領防禦等官各視兵數多寡定額有差職掌

盛京吉林各駐防同

黑龍江將軍衙門主事一人理刑主事一人銀庫主事一人筆帖式十有二人各處駐防衙門筆帖式二十人管臺站筆帖式三十有三人六品官二人臺站官二人管倉筆帖式六人管官屯七品官四人

分掌刑名賦餉郵驛倉儲之事雍正四年於黑龍江置秦寧縣知縣七年省凡旗民獄訟之事改設理刑主事治之
歷代建置

謹案我

朝定制於各省分設八旗駐防官兵以將軍副都統爲之

董轄雖所司繁簡略異而職任無殊惟

盛京及吉林黑龍江三處將軍俱以

肇邦重地俾之作鎮

畱都統治軍民綏徠邊境其政務較繁而委任亦最爲隆鉅核其職掌蓋卽前代諸京畱守之比與各省將軍之但膺閩寄者不同洪惟我

國家肇造大東

發祥於鄂多理城

相宅於赫圖阿拉丕基思輯遂啟

興京洎夫

聖武布昭曷章式廓經營遼瀋成邑成都

職官表卷四十八
天付有家誕受方國爰於

盛京等處分置節師率師鎮守西自呼倫布爾北循興安嶺黑龍江而東南跨鴨綠江地方六千里各因形勢險要列屯置戍以控扼之兵防周密條畫詳明其諸部落舉族內附者久已編甲入戶同於氓隸而沿邊以外歸化入貢則有若寧古塔東北東南之奇雅喀喇班吉爾漢喀喇赫哲喀喇費雅喀奇勒爾等近者千五六十里遠者四五百里直至於大東海皆歲獻土物以時遣官頒賜遠至遼安廣輪有截豐水

詒謀負軼萬古以前代陪京制度相準如唐之河南太原宋明之應天皆地當腹裏所謂畱守守備者不過少異其名

實與他州郡無別若北魏之平城元之和林皆其開國舊都而六鎮外攜諸藩內訌說俱詳後控制殊為無策至遼

之東京正在遼陽而東京統軍司所屬幅幘僅至長春

近今日都訛地亦乏長撫遠馭之略惟金代上京會寧府在今

吉林城東寧古塔西色齊窩集左右與

本朝勦業之地延袤頗合然當時雖分建諸路府州而生聚未繁海陵遷燕以後命毀會寧府舊宮殿及諸大第宅仍夷其址而耕種之頓忘根本世宗始復行營舊履移諸明安穆昆以實上京而撫輯失宜逮其末季紮軍潰叛國勢浸弱史所稱東極濟喇敏滿洲語厚也原作吉黑迷今改正烏達噶蒙古語次數也原作兀的改今改正諸野人之境北自夫餘舊作蒲與

今改路之北三千餘里和羅和屯滿洲語和羅山谷也和屯城也原作火魯
火曠今穆昆為邊者亦徒有虛名其規模狹隘本不足
改正擬議萬一而設官守衛沿革有因難以概略今具列如
左其未建陪京官職不備者則亦闕而不著云

三代

〔馬端臨文獻通攷〕成王命君陳分正東郊成周亦畱守之
始

謹案周以周公君陳畢公相繼分正東都後世因尚書
有尹茲東郊之文遂以為京尹所自始然洛邑有化導
殷頑控置東夏之任故當時皆以周姓懿親遞臨斯土
其官守綦鉅非僅京尹之專司民事者所可比擬惟今

盛京將軍之職較為近之歷代畱京之有畱守守備其權
輿實本於此今故互著於篇而中間因革得失之由亦
緣以附見焉

秦未置

漢

〔文獻通攷〕光武以扶風都尉部在雍縣將兵護衛園陵故
俗稱雍營

〔後漢書安帝本紀〕永初四年二月乙丑初置長安雍二營
都尉官〔百官志〕安帝以三輔有陵園之守乃復置右扶風
都尉京兆虎牙都尉西羌傳永初四年春置京兆虎牙都
尉於長安扶風都尉於雍如西京三輔都尉故事

謹案三輔黃圖京輔都尉治華陰左輔都尉治高陵右
輔都尉治郿水經注渭水又東逕郿縣故城南引地理
志曰右輔都尉治渭水東南逕高陵縣故城北引地理
志曰左輔都尉治葢三輔都尉在西漢本典畿輔重兵
自光武罷郡國都尉并職太守而兵事亦領之京兆尹
及左馮翊右扶風葢如後世以京尹兼畱守之比厥後
復置都尉專以護衛陵園分地屯守則又如今駐防副
都統之職其有京兆扶風而無馮翊者長陵陽陵二縣
俱已移屬京兆故也又攷南匈奴傳左校尉閻章右校
尉張國將黎陽虎牙營士屯五原曼柏馮柱又將虎牙
兵畱屯五原然則虎牙營本以衛園寢而為居畱重兵

故又時遣屯戍也

三國 未置

晉 未置

宋齊梁陳 未置

北魏

顧祖禹史略初魏都平城於緣邊置六鎮曰武川曰撫冥
曰懷朔 正光六年改置朔州 曰懷荒 正光末改置蔚州 曰柔元曰禦夷皆恃
為藩衛咨給優厚遷洛以後邊任益輕將士失所互相仇
怨正光四年懷朔鎮民挾忿殺其鎮將遂反諸鎮響應冀
并以北並為盜區

魏書羅斤列傳除柔元鎮都大將荀愷列傳遷冠軍將軍

柔元懷荒武川鎮大將宇文福列傳除散騎常侍都督懷
朔沃野武川三鎮諸軍事征北將軍懷朔鎮將慕容契列
傳轉都督禦夷懷荒二鎮諸軍事平城鎮將又轉都督朔
州沃野懷朔武川三鎮三道諸軍事後將軍朔州刺史楊
椿列傳除都督朔州撫冥武川懷朔三鎮三道諸軍事平
北將軍朔州刺史楊鈞列傳轉懷朔鎮將陽固列傳懷荒
鎮將萬貳

〔北史源懷列傳〕詔爲使持節加侍中行臺巡行北邊六鎮
賑給貧乏兼採風謠自京師遷洛邊朔遙遠懷銜命撫導
存恤有方懷朔鎮將元尼須貪穢狼籍懷表劾之乃案視
諸鎮左右要害之地可以築城置戍及儲糧積仗之宜凡

表五十八條宣武並從之

謹案北魏自道武帝破蠕蠕列置降人於漠南東至滹
原西暨五原陰山竟二千里分爲六鎮皆在代京之北
及孝文遷洛以後平城故都實藉爲屏蔽如今吉林黑
龍江之控制東陞以作

畱都拱衛也當時備置兵戍用資守禦其鎮都大將鎮大
將蓋如今各駐防副都統之比鎮將則如今城守尉防
禦之比而行臺一官持節巡行彈壓訓諫所掌較重則
卽今將軍之職任規畫本爲盡善特太和之季邊任漸
輕鎮將多不擇人貪汙聚斂無所不至而六鎮兵卒多
見擯抑有同奴隸邊人解體武備益弛馴致羣盜並起

亦由措置乖方有以釀成亂階耳

北齊 未置

後周 未置

隋 未置

唐

舊唐書順宗本紀貞元四年十二月以兵部尚書王紹為東都留守憲宗本紀元和元年十一月以吏部侍郎趙宗儒為東都留守東畿汝都防禦使三年五月敕東都畿汝州都防禦使及副使宜停所營將士三千七百三十人隨畿汝界分留守及汝州防禦使分掌之八月復置東都防禦兵七百人九年十月以尚書左丞呂元膺檢校工部尚

書東都留守舊例命留守賜旗甲與方鎮同及元膺受命不賜諫官援華汝壽三州例有賜居守之重不宜獨闕上曰此三處亦宜停賜十年十二月東都留守呂元膺請募置三河子弟以衛宮城十二年五月以尚書左丞許孟容為東都留守充都畿防禦使十三年三月以同州刺史鄭綱為東都留守都畿汝防禦使穆宗本紀長慶二年七月以前義武節度使陳楚為東都留守東畿汝防禦使本朝故事東都留守罕用武臣今用楚以李宥擾汴宋故也八月以絳州刺史崔宏禮為河南尹兼東畿汝防禦副使敬宗本紀寶曆二年八月以崔從檢校吏部尚書東都留守東畿汝都防禦使文宗本紀大中十一年六月以特進檢

校司空杜悰充東都留守東畿汝都防禦使

新唐書地理志開元十一年太原府置尹及少尹以尹為留守少尹為副留守

舊唐書元宗本紀開元二十九年以左金吾大將軍裴寬為太原尹北京留守王思禮列傳為太原尹北京留守河東節度使裴遵慶列傳子向為太原少尹兼河東節度副使

謹案唐代東京留守掌飭治武備控扼都畿皆以重臣典領與河南尹各為一職蓋即今

盛京將軍之比至東畿汝都防禦使及防禦副使以率兵巡防為職當如今城守尉等官特唐代皆以留守及河

南尹兼之不別授他人蓋其所領本防禦之兵故即帶其使銜耳又唐北都留守即以太原尹兼之其職視東都較輕肅代以後以河東節度使並兼二職則與諸藩鎮無異所謂留守府尹者亦僅屬虛名矣

五季

舊五代史唐莊宗本紀同光元年以河東軍城都虞候孟知祥為太原尹充西京副留守時以太原為西京旋改北京三年以張

憲檢校吏部尚書太原尹充北京副留守知留守事明宗本紀北京左右廂都指揮使安全全晉少帝本紀高祖入

洛以帝為北京留守行太原尹知河東管内節度觀察事漢高祖本紀天福十二年車駕南幸以判太原府事劉崇

爲北京畱守

謹案五季之君其三皆起於太原故北京最爲重地畱守有管鑰之寄大抵皆以勳戚領之然惟孟知祥張憲所任乃真畱守之職若石晉高祖後漢高祖則雖帶畱守虛名其實乃河東節度使與藩鎮無以異矣至新五代史唐臣傳又有北京巡檢使符彥超麾下兵殺永王存霸事其職似不屬於畱守然主率兵巡防則亦近今之城守尉等官也

宋

宋史職官志西南北京畱守各一人以知府兼之管掌宮鑰及京城守衛修葺彈壓之事畿內錢穀兵民之政皆屬焉

焉

謹案宋之畱守皆以府尹兼之然其職實各有攸司故宋史職官志亦別爲一條在各路帥臣之列今仍繫之於此表至建炎初於汴京置京城畱守及副畱守則以高宗避敵南行因特設是官寄以守禦之任與陪京作鎮者不同今故略而不著云

宋李元綱厚德錄張文節公知白參知政事爲宰相王欽若所排及知南京欽若謫分司南京眾謂必報之而知白待之加厚

遼

王圻續文獻通攷遼南面五京畱守司俱兼府尹職

謹案遼以上京爲皇都而畱守司亦與四京並置蓋以春秋巡幸不常厥居故特置以資彈壓然核其職掌大抵民事爲多不主兵柄與唐之畱守頗不相類今故但著於奉天府表茲不兼及云

遼史百官志北面邊防官○東京兵馬都部署司○契丹奚漢渤海四軍都指揮使司契丹奚軍都指揮使司奚軍都指揮使司漢軍都指揮使司渤海軍都指揮使司○東京統軍使司○東京都詳袞原作詳穩今依字面改正司○保州都統軍司○湯河詳袞司亦曰南女直湯河司○銅州北兵馬指揮使司○涇州南兵馬指揮使司已上遼陽路諸司控扼高麗○黃龍府兵馬都部署司一作都監署司○黃龍府鐵驪軍

詳袞司○咸州兵馬詳袞司有知咸州路兵馬事同知咸州路兵馬事咸州糾將○東北路都統軍使司有掌法道宗大安六年置已上長春路諸司控制東北諸國○東北路兵馬詳袞司亦曰東北面詳袞司○東北路監軍馬司有東北路監軍馬使有管押東北路軍馬事官○東北路女直詳袞司○北女直兵馬司在東京遼州置以上東北路諸司

遼史地理志開州兵事屬東京統軍司係州隸東京統軍司來遠城兵事屬東京統軍司顯州兵事屬東京都部署司乾州兵事隸東京都部署司貴德州兵事屬東京都部署司瀋州兵事隸東京都部署司遼州祺州韓州雙州同州咸州兵事屬北女直兵馬司信州兵事屬黃龍府都部

署司賓州兵事隸黃龍府都部署司湖州渤海州兵事隸東京統軍司鄧州兵事隸北女直兵馬司銅州兵事隸北兵馬司涑州兵事屬南兵馬司鎮海府兵事隸南女直湯河司順化城寧州衍州連州兵事屬東京統軍司歸州蘇州復州兵事屬南女直湯河司肅州兵事隸北女直兵馬司寧江州兵事屬東京統軍司祥州兵事隸黃龍府都部署司

洪皓松漠紀聞渤海國契丹舊爲東京置留守有蘇扶等州中京古白雲城自上京至燕二千七百五十里上京卽西樓也

謹案遼代建東京於遼陽實有今奉天全省之地而上

京之長春州東京之寧江州則其邊界所在長春當近白都訥寧江實傍拉林河計其疆域方位今之吉林寧古塔皆不能全隸版圖廣輪未爲綿遠然攷之百官地里諸志則防守各職規制略備蓋兵馬都部署司都統軍使司如今之各將軍保州統軍咸州詳袞諸司如今之分駐各副都統指揮使司等官如今之總管城守尉而諸州郡兵事皆隸於統軍部署等司則如今各處駐防悉總屬於將軍副都統也

金

金史地理志上京路海古勒
蒙古語行軍殿後也
原作海古今改正
之地金之舊土也國初稱爲內地天眷元年號上京海陵遷都於

燕止稱會寧府大定十三年復為上京置上京留守司以

留守兼本路兵馬都總管肇州以大祖勝遼肇基王迹於

此遂建為州置招討司以使兼州事隆州利涉軍節度夫

餘原作蒲與今據國名改正路置節度使承安三年設節度副使海蘭

兼本路兵馬都總管承安三年設兵馬副總管率賓原作

又作速頻今據滿洲語隊伍也路太宗天會二年以札蘭原作耶懶今改

正路都貝勒所居地瘠遂遷於此因名率賓路節度使承

安三年設節度副使哈斯罕滿洲語籬也原作曷蘇館又作合蘇欵今改正路置

節度使天會七年徙治寧州嘗置都統司呼爾哈盛古塔河名也

舊作胡里改今改正路國初置萬戶海陵改置節度使承安三年置

節度副使烏爾古德呼勒烏爾古蒙古語孳生也德呼勒索倫語臉也原作烏古迪烈今

改統軍司後升為招討司與夫餘路近咸平路咸平府總

管府安東軍節度使東京路遼陽府東京留守司博索滿

語山陰也舊作府路國初置統軍司天德二年置總管府

貞元元年與海蘭路總管並為尹兼本路兵馬都總管此

路皆明安戶

金史兵志收國元年始置咸州軍帥司後為六部路都統

司上京及泰州凡六處置每司統五六萬人太宗天會十

年改南京路都統司為東南路都統司治東京以鎮高麗

海陵天德二年又改烏爾古德呼勒統軍司為招討司以

博索路統軍司為總管府大定五年又設兩招討司與前

凡三以鎮邊陲東北路者初置烏爾古德呼勒部後置於
泰州泰和門以去邊尚三百里宗浩乃奏分司於金山以
重臣知兵者為使列城堡濠牆戍守為永制

金史白彥敬列傳正隆六年調諸路兵使彥敬主會寧夫
餘呼爾哈三路事及降世宗以為哈斯罕節度使完顏福

壽列傳從博索路兵馬都總管完顏默音滿洲語隊也原
作謀術今改正

通吉義列傳通吉義原作獨吉義今
依八旗氏族通譜改正遷達喇滿洲語腰也
原作迭刺今

改部族節度使貞元元年改唐古部族節度使烏雅扎拉

列傳烏雅原作烏延今依八旗氏族通譜改正
扎拉滿洲語媒人也原作查刺今改正改博索路

總管高麗憚其威名凡以事至博索路者望見而跪之尼

瑪哈楚呼列傳尼瑪哈原作尼麗古今依八旗氏族通譜
改正楚呼蒙古語純色也原作鈔完今改

正遷東北路招討使與完顏思敬有隙思敬為東京留守

奉詔至招討司楚呼不出餞實圖美列傳蒙古語頂戴也
原作神土憊今

改哈斯罕節度使博索路兵馬都總管伊喇諳達列傳

伊喇原作移刺今依八旗氏族通譜改正
諳達滿洲語夥伴也原作按答今改正以招徠邊部功

遷東北路招討使圖克坦克寧列傳圖克坦原作徒單今
依八旗氏族通譜改

正歷呼爾哈路節度使海蘭路兵馬都總管承裕列傳改

東北路招討副使完顏安國列傳為東北路副招討丞相

襄列傳出為東北路招討都監遷率賓路節度使移海蘭

路兵馬都總管瓜爾佳衡列傳瓜爾佳原作夾谷今依
八旗氏族通譜改正出

為上京留守尋改樞密行院規畫邊事以修完封界賜詔

褒諭

職官表卷四十一
職官表卷四十一
謹案金代肇迹上京其疆域表延與

本朝勅業之地廣輪最爲相合核之史傳會寧府當在今
寧古塔西六百三十里吉林城東北二百餘里之色齊
窩集左右夫餘路在上京之北率賓路在上京之南海
蘭路又在率賓東南呼爾哈路則在寧古塔之境哈斯
罕路在遼陽之南咸平路在開原鐵嶺間博索府路與
高麗毗連當在鳳凰城東去鴨綠江海口不遠而會寧
府實居其中當時備設官職率兵鎮守其分地以治者
有兵馬都總管兵馬副總管節度使節度副使其專制
方面者有東南路都統司東北路兩招討使副招討使
烏爾古德呼勒招討使東北路招討都監建置不一要

其大略蓋上京如今之奉天府而夫餘海蘭率賓哈斯
罕呼爾哈烏爾古德呼勒博索府諸路則如今吉林寧
古塔各置帥臣之比其分爲東南東北二路者東南都
統司卽東京畱守所治專轄遼東以控馭高麗東北招
討司則自今寧古塔吉林以及科爾沁喀爾喀諸地無
不統屬封界極爲廣遠而瓜爾佳衡傳又有樞密行院
之職則隨時建設以治邊事事訖卽罷非常制也

元

元史地理志遼陽等處行中書省至元二十四年始立二
十五年改東京爲遼陽路安撫高麗軍民總管府治遼陽
故城開元南京二萬戶府治黃龍府至元四年更遼東路

總管府海蘭府碩達勒達

滿洲語碩直也達勒達遮蔽也原作水達達今改正等路

土地曠闊人民散居元初設軍民萬戶府五撫鎮北邊一

曰屯

寧古塔境內河名原作桃溫今改正

一曰呼爾哈一曰鄂多理即鄂多理城為

我朝最初

發祥之地在興京東二

一曰托果

十五百里長白山之東原作幹朵憐今改正

一作索苦今改正

江各有司

琳蒙古語周圍也原

一作脫幹憐今改正

一曰布呼滿洲語鹿也原

存分領混同江南北之地其居民皆碩達勒達女真之人

設官牧民隨俗而治

元史兵志夫餘

原作蒲峪今並改正

路屯田萬戶府世祖至元二十

九年以蠻軍三百戶女直一百九十戶於咸平府屯種命

本府萬戶領其事三十一年罷萬戶府屯田仁宗大德二

年撥蠻軍三百戶屬肇州蒙古萬戶府依舊立屯肇州蒙

古屯田萬戶府成宗元貞元年以納延

蒙古語八十數也原作乃顏今改正

布拉噶齊

蒙古語捕貂人也原作不魯古赤今改正

及打魚碩達勒達女真等

戶於肇州附近地開耕為戶

元史世祖本紀至元二十五年增軍成咸平府以察罕伊

埒薩哈勒

蒙古語察罕白色也伊埒明顯也薩哈勒鬚也原作察忽亦兒思合今改正

言其地

舊邊徼請益兵以備不虞故也

謹案今東三省地在遼為東京在金為上京東京元代

始罷其制而改設行中書省以鎮之與

本朝之建立

陪京者制度頗為不合然當時所置總管府萬戶府與今

之駐防總管城守尉等其沿革亦有相近者故仍繫之

此表以著其略云

元史成宗本紀大德二年四月置和林宣慰司都元帥府

以呼喇珠蒙古語集聚也原作忽刺出今改正耶律希周納琳哈喇蒙古語納琳細

也哈喇黑色也原作納鄰合刺今改正並為宣慰使都元帥佩虎符四年六

月以和林都元帥府兼行宣慰司事五年四月遣推勒特

穆爾蒙古語推勒極也特穆爾鐵也原作秃刺鐵木而今改正等犒和林軍八月推勒

特穆爾等自和林還言和林屯田宜令軍官廣其墾闢量

給農具倉官宜任選人可革侵盜之弊從之七年七月立

和林兵馬司武宗本紀大德十一年七月罷和林宣慰司

置行中書省及稱海等處宣慰司都元帥府和林總管府

以太師伊徹察喇滿洲語伊徹新也察喇注酒器也原作月赤察兒今改正為和林行

省右丞相中書右丞相哈喇哈斯達爾罕哈喇解見上哈斯蒙古語玉也

達爾罕滿洲語凡有勤勞者免其差役之謂原作哈刺哈孫答刺罕今並改正為和林行省左丞

相仁宗本紀皇慶元年二月改和林省為嶺北省英宗本

紀至治三年二月罷稱海宣慰司及萬戶府改立屯田總

管府文宗本紀至順二年二月以上都留守柰瑪台蒙古語柰瑪八數也台有也原作乃馬台今改正

行嶺北行樞密院事太禧宗禋使錦

濟勒唐古特語送布拖之謂原作謹只見今改正達朗蒙古語河堤也原作答鄰今改正達賚

等並知院事順帝本紀後至元三年二月

以滿濟勒噶台蒙古語瓔珞也原作馬扎兒台今改正為太保分樞密院鎮

北邊

謹案和林為元太祖肇基之地太祖四大鄂爾多蒙古語官

也原作幹耳朶今改正世雷朔方常以親王鎮守其地統領軍馬

捍禦外寇如顯宗為晉王世守北邊者是也自世祖時

諸王納延等背叛屢擾和林至車駕親征寇亂始以稍

息而其黨尚出沒邊境故嶺北特為重鎮雖當時未建

都號而職守甚鉅行省丞相綜治文武當兼有今

盛京五部及將軍之職其行樞密院事及知院事鎮治北

邊則即如今之各將軍副都統也又攷明宗本紀載帝

發北邊沿邊元帥圖塔訥蒙古語燒也原作萬戶瑪魯

滿洲語瓶也原等率兵扈行是當時沿邊必各有分鎮

之官如今之駐防副都統協領等職而史文闕略其制

不可復攷矣

明

〔明史職官志〕南京守備一人協同守備一人南京以守備

及參贊機務為要職守備以公侯伯充之兼領中軍都督

府協同守備以侯伯都督充之領五府事參贊機務以南

京兵部尚書領之其治所在中府掌南都一切畱守防護

之事永樂十九年遷都北京命中府掌府事官守備南京

節制南京護衛所洪熙元年始以內臣同守備景泰三年

增設協同守備一人南京衛指揮使設官詳凡四十有九

分隸五都督府者三十有二又親軍衛指揮使司十有七

與左府所屬十衛右府所屬五衛前府所屬七衛後府所

屬五衛並聽中府節制各衛領所一百一十有八

明官制南京中軍都督府畱守中衛神策衛應天衛和陽
衛廣陽衛左軍都督府畱守左衛驍騎右衛鎮南衛水軍
左衛龍虎衛龍虎左衛瀋陽左衛瀋陽右衛龍江右衛英
武衛右軍都督府畱守右衛水軍右衛虎賁左衛武德衛
廣武衛前軍都督府畱守前衛龍驤衛豹韜衛豹韜左衛
龍江左衛飛熊衛天策衛後軍都督府與武衛鷹揚衛江
陰衛橫海衛每衛有鎮撫司左右中前後千戶所

謹案明初以鳳陽爲中都世宗由興王入繼又以安陸
爲興都各置畱守司官屬而鳳陽承天陸均設知府
其制仍如列郡與陪京不同惟南京守備以勳臣統率
專管江防實卽唐東都畱守之比然歷朝皆以內臣協

同守備寄軍政於閹豎而公侯伯之爲是職者又皆統
袴子弟不諳兵務士卒大都出自市井負販占役買閒
其時諸臣雖閒以爲言而苟且因循卒無整飭以致闖
茸驕惰不可復用崇禎中流寇侵軼江北南中將吏日
夕張皇惟惴惴焉倖賊之不東下而已畱都兵勢積弱
未有如明代之尤甚者

國家神武開基聲靈赫濯而
盛京以

發祥重地兵防定制倍極精詳設鎮開屯控扼邊徼
皇上觀光揚烈每
翠華臨莅秋郊彌閱

盛京內務府各官

大二十六

京兆尹

并州刺史

河南尹

開封尹

知河南府事

守司行

守司

判建昌
監事
建昌
使
建昌
副使

東京內東宮上卿修
省司 苑使 內司夫
中京太東宮西使副使
內都司 京御容上卿祇
警司 殿閣門應司夫
南宮官 使副使
徽使 東宮上卿祇
知南宮 東宮小卿局夫
宣徽院都監 使副使
使事
知南宮
宣徽院
事
南宮官
徽使
同知南
京宣徽
院事
南宮
國司

奉天府尹 丞 府

京兆尹

并州刺史

河南尹

開封尹

知河南府事

守司行

守司

并州刺史

河南贊

河南少

諸京副

諸京同

都置

太原尹

太原少

知本府

守司副丞

太原少

應天少

諸京副

諸京同

大名尹

大名少

諸京副

諸京同

職官表卷四十一
盛京五部等官表
三廣雅書局

盛京五部等官

國朝官制

盛京戶部侍郎一人

滿洲員額各部官屬並同凡盛京官品秩俱視京師

掌

盛京賦稅之出納及官莊旗地歲輸之數謹其儲積辨其支

給以時稽核而會計之歲終則要其成以聽於在京戶部

焉

盛京自

國初設有六部承政參政等官順治元年

世祖章皇帝定都燕京悉裁諸舊制官不備設以內大臣官鎮守

戶禮刑工四曹咸屬焉十五年復設禮部十六年復設戶

部工部康熙元年復設刑部皆置侍郎及其官屬三十年
又設兵部侍郎於是五部之制始備五部舊各設理事官
一人康熙六十年省雍正八年設尙書一人以總五部尋
罷之

戶部經會司郎中一人員外郎一人主事一人糧儲司郎中一
人員外郎一人主事二人農田司員外郎二人主事一人堂主
事二人銀庫掌關防郎中一人員外郎一人司庫一人庫使八
人掌官莊六品官二人筆帖式二十三人內倉正副監督各一
人

分掌錢糧倉庫租稅徵收及關支存貯之政令順治十四
年初置戶部滿洲郎中二人員外郎五人主事二人司庫

二人筆帖式十有五人康熙二十九年增設員外郎四人
筆帖式八人雍正五年增設漢人郎中一人員外郎二人
主事二人乾隆三年改戶部滿洲員外郎一員爲銀庫員
外郎八年省漢人員額又省滿洲員外郎四人增設滿洲
主事二人堂主事二人初

盛京五部司屬皆以本地人員除授雍正五年

命在京各部掄員往補其本地人員皆撤回以京曹調用乾隆八
年

詔以京員與本地人員參半除用十八年復

諭吏部定議用京員十之七本地人員十之三以歸平允焉
盛京禮部侍郎一人

掌

盛京祭祀朝會燕饗之儀式及園池果蔬畜牧之用咸辦其物而以供時薦焉

禮部左司郎中一人員外郎二人右司郎中一人員外郎二人堂主事一人讀祝官八人贊禮郎十有六人筆帖式十人管干丁六品官一人鳳凰城迎送朝鮮官三人助教四人

分掌朝儀祀典職貢教習之事員額俱順治十四年定筆帖式初設十有二人乾隆八年省二人又有牧務總管一人掌牧場乳牛以錦州副都統兼管其屬有六品翼領一人七品牧長十有七人八品副牧長十有七人牧副三十有四人副牧副三十有四人皆總轄於禮部焉

盛京兵部侍郎一人

掌

盛京武備及郵驛邊防之政

兵部左司郎中一人員外郎二人主事二人右司郎中一人員外郎二人主事二人堂主事二人筆帖式十有二人驛站正副監督各一人驛丞二十九人

分掌駐防驛遞簡稽軍實之事員額俱康熙三十年定惟員外郎初置六人乾隆八年省二人

盛京刑部侍郎一人

掌

盛京旗民之獄訟會奉天府共讞之邊外蒙古訟者會扎薩

克副台吉共讞之秋審則定其爰書以送在京刑部與各直省同

刑部肅紀前司郎中一人員外郎二人主事一人肅紀左司郎中一人員外郎二人主事一人肅紀右司郎中一人員外郎一人主事三人肅紀後司郎中一人員外郎一人主事一人堂主事二人

員外郎內置蒙古二人主事內置蒙古二人漢軍一人筆帖式三十人內蒙古二人漢軍五人

人內漢軍一人賊罰庫司庫一人庫使一人司獄一人

分掌訊囚斷獄賊罰禁繫之事郎中初置二人康熙二十

八年增二人員外郎初置四人康熙二十八年增四人乾

隆八年又增蒙古二人省滿洲四人主事初置三人乾隆

八年增三人又置堂主事二人筆帖式初置十有五人康

熙二十九年增十有四人雍正五年又增五人乾隆三十

八年以滿洲筆帖式一缺改為司獄又雍正五年置刑部

漢人郎中一人員外郎二人主事一人乾隆八年省

盛京工部侍郎一人

掌

盛京營造工作製器物料及諸色工匠之屬凡黃瓦廠席廠

灰廠缸廠炸子廠木炭等壯丁咸司其役籍焉

工部左司郎中一人員外郎二人主事二人右司郎中一人員

外郎二人主事二人堂主事二人筆帖式十有七人內漢軍一人銀

庫司庫二人庫使八人管千丁四品官一人管理燒造瓦料五

品官一人管理匠役六品官一人看守

大政殿六品官二人

分掌營繕製造之事郎中員額順治十四年置員外郎初置六人乾隆八年省二人主事初置四人乾隆八年增二人又雍正五年置工部漢人郎中一人員外郎二人主事一人亦乾隆八年省又舊置有司匠一人乾隆二十九年省

盛京內務府鑲黃正黃正白三旗佐領各一人驍騎校一人營造司承管催總一人廣儲司承管司庫二人庫使十有六人兼領三旗織造庫催總三人掌儀司承管催總二人筆帖式三人廣盛承管催總一人都虞司承管催總二人筆帖式一人會計司承管催總二人筆帖式二人堂主事一人委署主事一人管理三庫內管領一人筆帖式十有五人三旗內管領一人掌領達一人倉達三人筆帖式三人

掌祇奉

三陵守護

宮殿凡營葺埽除之宜四時品物薦獻之禮咸共其事粟穀果蓏蠶繭皮革之著於籍者則辨其數而納之以儲邦用皆佐領率其屬經理之而總其成於奉天將軍焉鑲黃旗正黃旗佐領順治三年置正白旗佐領順治八年置各驍騎校康熙十九年置營造掌儀都虞三司催總初各置一員乾隆二十九年各增一員會計司催總初置三員乾隆二十九年省一員廣儲司司庫初置三員後省一員庫使

初置十員乾隆九年增六員堂主事內管領等員俱乾隆十九年以來先後增置

奉天府尹滿洲一人丞漢人一人

尹掌

留京治化與其禁令丞掌學校攷試以為之貳

國初設遼陽府知府順治十四年改建奉天府置尹一人康熙三年增置丞一人乾隆三十年始以

盛京侍郎兼管奉天府尹事務皆由

特簡無常員

奉天府治中滿洲一人通判滿洲一人

興京理事通判滿洲一人儒學教授漢人一人經歷司經歷漢

人一人司獄司司獄漢人一人

分掌府屬之政令治中通判康熙三年置

興京通判乾隆二十八年置教授經歷初皆屬遼陽府順治

十四年改隸奉天府旋設訓導一人後省司獄康熙七年

置又初設有奉天府推官一人康熙六年省

承德縣知縣滿洲一人典史漢人一人

職掌品秩與大興宛平二縣同員額俱康熙三年置舊有

縣屬巨流河巡檢一人乾隆四十二年省

歷代建置

三代

金履祥通鑑前編成王八年周公分正東都

尚書洛誥命公後蔡沈集傳成王畱周公治洛謂之後者
猶後世畱守畱後之義

尚書序周公既沒命君陳分正東郊成周

鄭康成禮記注
君陳周公子

杜佑通典成王命君陳分正東郊成周曰尹茲東郊蓋今
河南牧之任亦畱守之始

尚書序康王作冊畢分居里成周郊孔安國傳分別民之
居里異其善惡成定東周郊境使有保護畢公代周公為
太師為東伯命之代君陳

尚書畢命惟十有二年六月庚午肫越三日壬申王朝步
自宗周至於豐以成周之眾命畢公保釐東郊

謹案成王營洛邑為東都謂之成周此即後世陪京之
制所自始成周在鎬京之東八百里而商民所居又在
成周王城之東二十五里稱為下都說者謂尚書所稱
東郊即指下都而言故王應麟以下都為保釐大臣所
居然殷民密邇王室風聲所樹式訓非難保釐大臣自
當仍在東都王城之中未必即與殷頑錯居於下都之
地也至周公君陳畢公相繼分正東都皆以懿戚重臣
膺治洛之任非僅後世守臣可比而據尚書尹茲東郊
之文則陪京置尹實本於此故仍繫之於篇以著其朔
云

秦未置

漢

後漢書百官志京兆尹左馮翊右扶風三人漢初都長安皆秩中二千石謂之三輔中興都雒陽更以河南郡爲尹以三輔陵廟所在不改其號但減其秩

張衡西京賦封畿千里統以京尹李善注漢書曰內史周官武帝更名京兆尹

謹案後漢以長安爲西京與東京對舉則卽如今之盛京其云統以京尹則原西漢初制而後漢之末易尹名卽於此可證

三輔故事光武徙都洛陽太常卿一人別治長安主知祭事

東觀漢記光武中興都洛陽又於南陽置都

張衡南都賦陪京之南居漢之陽薛綜注南都在南陽光武舊里以置都

謹案東漢卜宅洛陽長安南陽雖並有西都南都之名而其制稍殊蓋長安爲舊京故仍屬司隸校尉所部而守臣亦不改尹名尙近後世陪京之制至南陽則守臣但爲太守與列郡無異其所謂南都者不過取邑有先君廟之義而已至長安別置太常卿以奉陵廟後漢書百官志不載僅見於三輔故事蓋如今盛京之設禮部以奉

三陵也

三國 未置

晉 未置

宋齊梁陳 未置

謹案曹魏以譙郡許昌長安魏郡與洛陽並號五都而自河南以外其官號並同列郡江左諸朝亦並無別建陪京之制惟晉惠帝幸長安僕射荀藩等與其遺官在洛陽者為畱臺號曰東西臺然其時以故都無主承制行事乃一時權宜之計非定制也

北魏

魏書韓顯宗列傳顯宗上書曰春秋之義有宗廟曰都無則謂之邑此不刊之典也况北代宗廟在焉山陵託焉王業所基聖躬所載其為神鄉福地蓋亦遠矣今便同之郡

國臣竊不安愚謂代京宜建畿置尹一如故事宗本重舊以光萬葉高祖善之

謹案魏自孝文遷洛以後平城故都即改為列郡故官氏志所載官品令大和初定者有代尹其續定者則但有河南尹而無代尹矣韓顯宗所言雖稱高祖善之當時實未舉行然攷肅宗本紀熙平二年十月詔曰北京根舊帝業所基云云是魏在洛京時平城亦嘗有北京之稱特其官號未備耳

北齊

北齊書孝昭帝本紀天保五年除并省尚書令乾明元年以長廣王湛錄并省尚書事後主本紀天統三年以并省

尚書左僕射婁定遠為尚書左僕射武平三年以并省吏部尚書高元海為尚書右僕射元景安列傳判並省尚書右僕射源文宗列傳并省尚書隴西辛慤羊烈列傳遷并省比部郎中崔瞻列傳天保初兼并省吏部郎中文苑列傳并省主客郎中盧思道并省三公郎中劉珉并省右民郎高行恭

隋書百官志後齊尚書省都令史八人

謹案北齊繼魏建都於鄴而晉陽實為創業之地當時倚為根本故特置尚書省以莅其事隋書百官志雖未備載并省各官職名而以史傳參攷則有錄尚書事尚書令尚書左僕射尚書右僕射各部尚書及諸曹郎官

規制略具明代南京並設六部其源蓋本於此至并州刺史雖無尹號而据白建傳稱晉陽國之下都每年臨幸徵召差科責成州郡本藩寮佐爰及守宰諮承陳請趨走無暇云云則其任亦極為要劇故多以尚書省長官兼領之如長廣王湛以并省錄尚書事領并州刺史是也見武成帝本紀又王暉傳載暉嘗為并州長史蓋暉本孝昭所親信故付以留司之任殆亦如今府丞之職歟

後周

後周書武帝本紀建德六年相并二總管各置官及六府官宣帝本紀大象元年二月詔起洛陽宮移相州六府於洛陽稱東京六府河陽幽相豫亳青保七總管受東京六

府處分

〔隋書地理志〕河南郡洛陽有漢已來舊都後周置東京六府魏郡後周曰相州置六府宣政初府移洛太原郡後州置并州六府後置總管廢府

〔隋書高祖本紀〕周太象二年以世子勇爲洛州總管東京小冢宰

謹案後周稱洛陽爲東京別置六府以總司留務蓋卽後世陪京六部之比特史失其官制之詳不可復攷然觀楊勇以總管兼小冢宰則所設當自小冢宰以下而不及六卿正如今

盛京五部之但設侍郎也至相并二州爲北齊舊都故亦

各置六府以鎮之然不立都名視東京又爲少異云

隋

〔隋書煬帝本紀〕仁壽四年十一月帝幸洛陽詔曰我有隋之始便欲創茲懷雖因機順動今也其時但成周墟堦弗堪葺宇今可於伊雒營建東京設官分職以爲民極大業元年三月詔尚書令楊素納言楊達將作大匠宇文愷營建東京徙豫州郭下居人以實之五年正月改東京爲東都

〔通典〕河南尹隋初爲洛州刺史復爲河南內史大業初爲荊河州刺史又爲河南太守尋爲河南尹與京兆同

唐六典隋文帝罷郡以州統縣改別駕治中爲長史司馬

煬帝罷州置郡罷長史司馬置贊治後改為丞又置通守

以貳太守京兆河南等為內史○漢京兆尹統長安令後

漢河南尹統雒陽令魏晉以後皆因之隋初兩京置四縣

京兆下大興長安河南下河南洛陽增秩為正五品丞尉悉用他郡之人

隋書百官志河南尹正三品罷長史司馬置贊務即贊治唐人避

諱改一人以貳之從四品次置東西曹掾從五品主簿司

功倉戶兵法士曹等書佐改行參軍為行書佐河南洛陽

縣令並增為正五品其後諸郡各加置通守一人位次太

守河南則謂之內史又改縣尉為縣正尋改正為戶曹法

曹分司河南洛陽則加置功曹而為三司司各二人

謹案隋既於洛陽置東郡又改太守為河南尹於是規

制始全同京兆然並未別置尚書省蓋在京百司行李

則從故東京別無專署觀煬帝自東京幸江都以越王

侗光祿大夫段達太府卿元文都檢校民部尚書韋津

等總留後事足知陪京眾務皆出一時簡任未嘗設有

省僚也又齊王暕傳暕於大業初為豫州牧明年轉雍

州牧尋徙河南尹是東都初仿西都置牧以主府事其

後罷州置郡改雍州牧為京兆尹故豫州牧亦並改為

河南尹耳

唐

舊唐書憲宗本紀元和六年十月以戶部尚書韓皋為東

都留守判東都尚書省事穆宗本紀長慶二年二月以河

東節度使司空平章事裴度守司徒充東都留守判東都
尚書省事七月以前義武節度使陳楚爲東都留守判尚
書省事敬宗本紀寶曆二年八月以太常卿崔從檢校吏
部尚書判東都尚書省事兼御史大夫東都留守文宗本
紀大中十一年六月以特進檢校司空杜悰判東都尚書
省兼御史大夫充東都留守

〔新唐書職官志〕御史臺東都留臺有中丞一人侍御史一
人殿中侍御史二人監察御史三人元和後不置中丞以
侍御史殿中侍御史監察御史主留臺務而三院御史亦
不常備

〔陸游老學菴筆記〕唐人本謂御史在長安者爲西臺言其

雄劇以別分司東都事見劇談錄

〔唐六典〕兩京郊社署各一人丞一人門僕八人齋郎一
百一十人掌祠祀祈禱之禮武庫令兩京各一人丞一人
監事一人掌藏天下之兵仗兩京諸市署令各一人丞各
一人掌百族交易之事北都軍器監監一人開元初令少
府監置十六
年移向北都少監一人丞二人主簿一人錄事一人掌繕造弓
弩之屬以時納於武庫

謹案唐六典稱東都百僚廨署皆如京城之制而官不
備設據舊唐書所載則常以留守兼判東都尚書省事
蓋留司眾務不可無所統屬故特畀以綜理之任而別
無僚屬則其間簡可知惟分司御史臺以有稽察之責

故中丞以下獨設有定額觀元禎傳有禎爲東臺監察御史攝河南尹房式於臺擅令停務一事則爲是官者尙能自舉其職然其後亦不全設若兩京並置之郊社署令武庫令諸市署令等官則仍統於在京之太常衛尉太府諸寺並不別置長官也至史傳所載分司之官在東都者如李固言杜棕以太子太傅李聽以太子太保崔珙以太子少師李德裕裴休夏侯孜以太子少保李紳李珣以太子賓客田融以檢校刑部尙書韋貫之以太子詹事崔羣以祕書監盧行術王式以王傅李佐以王府長史王彥威以衛尉卿舒元輿以著作郎此類甚多然皆不過冗員散秩蓋本以廢罪黜及老病退閑之人或有田宅在東都者因假虛銜以示優禮如宋世祠祿之比其實並無官曹職事如嚴挺之請就醫京師以員外詹事詔歸東都蓋卽其例與明代之南京官又不相同矣

〔通典〕顯慶二年置東都改刺史爲長史而洛州本置牧一人以親王爲之多以長史理人開元元年改洛州爲河南府改長史爲尹其牧尹之制一如京兆諸曹書佐亦如之開元以後增置太原府爲北京官屬制置悉同兩京

〔舊唐書職官志〕河南太原府牧各一員尹各一員少尹各二員司錄參軍二人錄事四人功倉戶兵法士等六曹參軍事各二人參軍事六人執刀十五人典獄十一人問事

十二人白直二十四人經學博士一人助教二人學生八十人醫藥博士一人助教二人學生二十人河南洛陽太原晉陽謂之京縣令各一人丞二人主簿二人錄事二人佐二人史四人尉六人司功佐三人史六人司倉佐四人史八人司戶佐五人史十人司兵佐三人史六人司法佐五人史十人司士佐四人史八人典獄十四人問事八人白直十八人博士一人助教一人學生五十人謹案唐自開元以前車駕歲幸東都百司皆從唐書張嘉貞傳載嘉貞為中書令帝數幸東都洛陽主簿王鈞為嘉貞繕第足知供億浩繁故河南尹稱為劇任中葉以後東幸之禮久廢河南尹乃與列郡刺史無異張延賞傳載大厯初延賞除河南尹輕徭賦疏河渠流庸歸

附鄭珣瑜傳亦載珣瑜為河南尹賤斂貴發以便民時方伐蔡河南主餽餉百姓不知儻運勞是其職固全主民事而兵柄則別屬之東都畱守故河南尹當如今之奉天府而畱守則近於今之奉天將軍矣說別詳奉天將軍篇至唐代又以扶風為鳳翔府蜀郡為成都府蒲州為河中府荊州為江陵府漢中為興元府華州為興德府陝州為興唐府各置尹少尹等官蓋以其曾經駐蹕及形勢扼要之地故特重其任與陪京之制不同今但附見於此

趙璘因話錄王并州璠自河南尹拜右丞相除目纔到少尹侯繼有宴以書邀之王判書後云新命雖聞舊銜尙在

職官表卷四十九
六
遽爲招命堪入笑林洛中以爲話柄故事少尹與太尹遊
宴禮隔雖除官亦須候正敕也

五季

舊五代史梁太祖本紀開平元年升汴州爲開封府建名
東都以宣武節度副使皇子友文爲開封尹開封俊儀爲
赤縣

謹案唐自昭宗遷洛梁太祖以宣武節度遂移唐祚因
建汴州爲東都而凡郊天享廟必就洛陽行事是當時
仍以洛陽爲都城汴州特陪京之比後唐滅梁開封已
降爲州至晉天福三年復升汴州爲東京其洛京改爲
西京於是始自洛定遷於汴而洛陽乃爲陪京矣五季

規模草略時代亦極短促本不足爲典制今始並著於
表以附見其一時之制云爾

舊五代史唐莊宗本紀同光元年以魏博節度判官王正
言爲禮部尚書行興唐尹以河東軍城都虞候孟知祥爲
太原尹充西京副留守以澤潞節度判官任圜爲工部尚
書兼眞定尹充北京副留守李承勳列傳累遷至太原少
尹盧程列傳任圜爲興唐少尹

謹案冊府元龜載長興三年中書省奏稱本朝都長安
以京兆府爲上今都洛陽請以河南府爲上其五府舊
以鳳翔府爲首河中成都江陵興元爲次中興初升魏
博爲興唐府鎮州爲眞定府皆是創業興王之地宜升

在五府之上合爲七府是後唐以洛陽爲京都太原魏博以莊宗創業之地真定以控制北邊升爲西京東京北京而鳳翔等各建府名亦俱仍唐舊其尹及少尹皆以守臣兼之今並著其崖略於此然任圜未嘗爲興唐少尹其爲少尹者乃圜弟團資治通鑑載虛程答興此唐吏事作任團爲少尹則辭史之誤而歐史亦仍之者也

舊五代史晉高祖本紀天福六年七月以前鄴都畱守廣晉尹高行周爲河南尹西都畱守

舊五代史職官志梁開平元年四月始置建日院以博王友文判院事以太祖在藩時四鎮所管兵車賦稅諸色課利案舊簿籍而主之五月中書門下奏請以判建昌院事

爲建昌宮使仍以東京太祖潛龍舊宅爲宮二年二月以

侍中原本有關文據五代會要以侍中韓建判建昌宮使判建昌宮事十月以尙書

兵部侍郎李皎爲建昌宮副使三年九月以門下侍郎平

章事辭貽矩兼延資庫使判建昌宮四年十二月以李振

爲建昌宮副使乾化二年五月以門下侍郎平章事于兢

兼延資庫使判建昌宮事六月廢建昌宮

謹案梁以四鎮賦稅課利舊籍別置建昌宮使以領之

正如今

盛京內務府之比而宮使以外又命宰臣判其事則亦如今奉天將軍之兼管內務府事也其官專司帑藏已別系之戶部三庫表內今仍互見於此篇

宋

柯維騏宋史新編職官志河南府為西京應天府為南京

設官略與開封府同牧尹少尹不常除牧從二品尹從三品少尹從六品

闕則置知府事一人通判一人判官推官各一人其屬有

司錄戶曹法曹士曹參軍士曹或蔭敘起家不常置助教

有特恩而授者不釐務使院牙職左右軍巡悉同開封開封

府有左右軍巡使判官各二人左右廂公事幹當官四人

盧多遜幸西京詔定鼎洛邑我之西都燔柴泰壇國之大

事況削平江表底定南方惟率土之混同自上天之鑒祐

內慙涼德感是洪休得不罄以恭虔申其告謝瞻惟京而

西顧兆陽位於南郊豆籩陳有楚之儀黍稷奉惟馨之薦

朕今暫幸西京取四月內選日有事於園丘宜令有司各揚其職禮容儀衛典故在焉

謹案西京有園丘則宋時西南北三京特以西京為重

故幸西京詔擬諸定鼎洛邑西京屬官有左藏庫使蓋

常有大事於西京故供用悉取諸左藏同於內省也

老學菴筆記本朝都汴謂洛陽為西京亦置御史臺至為

散地以其在西京號西臺名同而實異也

宋史職官志政和三年資政殿大學士鄧洵武言河南應

天大名府號陪京乞依開封制正尹少之名從之慶曆二年升大

名府為北京

王闢之澠水燕談錄慶曆中北邊求關西地丞相呂文靖

公召彭年計之太子中舍于壽彭年云宜治西北行宮若

字彭年壽光人

將親征者以壓其謀乃以大名府爲北都

李元綱厚德錄張文節公知白初參知政事爲王欽若所排知南京吳節使元辰知河南值河溢督工壅塞民無墊溺

江休復隣幾雜志大名府學進士劉建侯與妻同殺人程琳尙書知府日殺之

謹案宋河南府應天府設官略與開封府同史稱牧尹少尹不常除闕則置知府事一人厚德錄及隣幾雜志所稱知河南知南京知大名府蓋卽職官志所云不常除者也

馬端臨文獻通攷宋制天子親征則命親王或大臣總畱守事其西南北京畱守各一人以知府事兼之

宋史新編職官志三京赤縣令正八品主簿尉俱正九品謹案宋太祖以歸德節度使受禪故建宋州爲南京而洛陽以唐舊都大名以控制契丹建爲西北二京然牧尹皆不正除常以他官知府事亦時以重臣作鎮如文彥博以太尉判河南府是也至其他規制皆與列郡無異南渡以後武林建業並建行宮武林視汴都建業視三都故建康知府亦帶有行宮畱守之號然俱權時措置僅有虛名其規模益無足道矣

歐陽修王武恭公神道碑男次曰咸融西京左藏庫使

王安石馬正惠公神道碑改西京作坊副使遷西京作坊使

謹案宋史職官志有西京作坊東西染院使西京作坊東西染院禮賓副使使爲六夫副使爲郎與西京左藏庫使副使並設南北京不見此職蓋其規制視洛陽爲稍殺矣

遼

遼史百官志遼有五京上京爲皇都凡朝官京官皆有之餘四京隨宜設官爲制不一大抵西京多邊防官南京中京多財賦官○東京內省司東京大內不置宮嬪惟以內省司副判官守之○五京諸使職名東京戶部使司中京

度支使司南京三司使司南京轉運使司西京計司○五京畱守司兼府尹職名某京畱守行某府尹事某京副畱守知某京畱守事某府少尹同知某京畱守事同簽某京畱守事某京畱守判官某京畱守推官○五京學職名道宗清寧五年始設學養士置博士助教各一員上京學東京學中京學南京學亦曰南京太學太宗置聖宗統和十三年賜水磴莊一區西京學○中京文思院中京文思使馬人望父佺爲中京文思使○中京大內都部署司中京大內都部署中京大內副部署○南京宣徽院南京宣徽使知南京宣徽院使事知南京宣徽院事南京宣徽副使同知南京宣徽院事○南京栗園司典南京栗園

王圻續文獻通攷遼有五京聖宗時設東京中京南京宰相府各有左右相左右平章政事

謹案遼以上京爲皇都其中東西南四京皆當同陪京之制而聖宗以後三京各置宰相府以總其省事則亦如今

盛京設五部之比特其官職較崇耳至其他約略相近者如東京戶部使中京度支使西京計司皆當如今

盛京戶部之職中京文思使當如今

盛京工部之職東京內省使中京大內都部署司南京宣徽院南京栗園司當如今

盛京內務府之職而府尹之以畱守兼領則又沿唐之舊

制也

金

金史百官志諸京畱守司畱守一員正三品帶本府尹同知畱守事一員正四品帶同知本府尹副畱守一員從四品帶本府少尹畱守判官一員從五品掌紀綱總府眾務推官一員從六品掌同府判分判刑案之事上京兼管林木事司獄一員正八品知法女直漢人各一員南京漢人二員○諸縣令一員從七品丞一員正九品主簿一員正九品尉一員正九品在諸京倚郭者曰京縣自京縣而下以萬戶以上爲上三千戶以上爲中不滿三千爲下○上京提舉皇城司提舉一員從六品同提舉一員從七品○

南京提舉京城所提舉一員正七品同提舉一員從七品
掌本京城壁及繕修等事不常置上京同此管勾一員正
八品掌佐繕治受給官一員掌收支之事壕寨官一員掌
監督修造○東京官苑使一員西京北京同○東京西京
御容殿閣門各二員掌享祀禮數鋪陳祭器○東京萬寧
宮小都監一員

謹案金都燕爲中京而以會寧爲上京遼陽爲東京大
同爲西京大定爲北京汴梁爲南京其守臣皆以畱守
兼府尹之事然攷之金史列傳有稱會寧尹者有稱會
寧少尹者有稱同知會寧府事者有稱同知會寧尹者
皆不帶畱守職銜疑或兼或否亦無一定又有稱判東

京畱守者則以官尊特異其文不爲常制蓋如今以

盛京侍郎兼奉天府尹也至上京爲太祖創業之地宗室
國戚多在焉世宗時又屢徙諸明安穆昆以實上京其
任最爲繁劇當必尚有官司以治之而史所載惟大定
二十五年以會寧府官一人兼大宗正丞以治宗室之
政此外別無可攷見觀世宗本紀又有東京麴院都監
一職而百官志亦不之及知其所漏闕者良多耳又諸
京各官內如皇城司提舉京城所掌繕修之事當如今
盛京工部宮苑使御容殿閣門萬寧宮小都監掌宮殿苑
囿之事當如今

盛京內務府而諸京縣令品秩獨不得比於大興宛平則

其制度亦較爲從減矣

元

〔元史百官志〕上都留守司品秩職掌如大都留守司而兼治民事車駕還大都則領上都諸倉庫之事留守六員正二品同知二員正三品副留守二員正四品判官二員正五品經歷二員都事四員照磨兼管勾一員令史四十四人譯史六人回回令史三人通事知印各二人宣使一十人二人國初置開平府中統四年改上都路總管府至元三年又給留守司印十九年併爲上都留守司兼本路都總管府其屬修內司秩從五品掌營修內府之事大使一員副使三員直長三員祇應司秩從五品掌裝鑾油染表褙

之事大使一員副使二員直長三員器物局秩從五品掌造鐵器內府營造釘線之事大使一員副使一員直長二員儀鑾局秩正五品大使二員副使三員直長二員至大四年罷典設署改置爲局兵馬司秩正四品指揮使三員副指揮使二員知事一員提控案牘一員警巡院秩正六品達魯噶齊解見戶部篇一員警巡使一員副使二員判官二員開平縣秩正六品達魯噶齊一員尹一員丞一員主簿一員尉一員典史一員八作司品秩職掌悉與大都左右八作司同達魯噶齊一員提領大使副使各一員餼廩司掌諸王駙馬使客飲食大使一員副使一員○嶺北等處行中書省國初太祖定都於哈刺和林之西因名其城曰

和林立元昌路中統元年世祖遷都大興始置宣尉司都

元帥府大德十一年改立和林等處行中書省右丞相左

丞相各一員至大四年省右丞相皇慶元年改嶺北等處

行中書省治和寧路統有北邊等處

每省丞相一員平章二員右丞一員左丞一員參知政事二員嶺北減一員郎中二員員外郎一員都事二員檢校照磨管勾各一員理問二員

元史地理志和寧路始名和林太祖十五年定河北諸郡

建都於此前後五朝都焉世祖遷都大興和林置宣尉司

都元帥府大德十一年立和林等處行中書省置和林總

官府皇慶元年改和林路為和寧路

謹案元世祖始相宅於桓州東灤水北之龍岡建開平

府後以闕廷所在加號上都歲一臨幸率以為常當時

在京諸司從行者皆於上都別建官舍謂之上都分署

其規制與大都無異惟上都留守司為守土之官吏稱

其職掌與大都留守司同攷大都留守司所掌為守衛

宮闕都城調度本路供億諸務兼理營繕內府諸邸都

宮原廟尚方車服殿廡供帳內苑花木及行幸湯沐宴

游之所門禁關鑰啟閉之事而上都留守司以兼本路

總管又治民事務所屬如兵馬司警巡院開平縣皆彈

壓京輦之事修內司祇應司器物局儀鑾局皆供奉內

廷之事實兼有今府尹及內務府之職而八作司掌營

造又如今

盛京工部之事餼廩司掌供給朝貢入使則如今

盛京禮部之事蓋其職務繁劇故無所不統也至和林爲元太祖創業舊邦最稱重地元史明宗紀載至順元年監察御史言嶺北行省控制一方廣輪萬里爲太祖肇基之地國家根本繫焉者是也雖後代不立都名而特設行中書省以總其事亦卽今

盛京五部之比故並附著於表又攷馬祖常有上都學宮詩而百官志不見開平建學之制案元制各路皆有儒學教授學正學錄等員統於總管府上都留守司實兼總管府事則開平學官亦當屬於留守矣

明

明史職官志南京宗人府經歷司經吏部尙書一人右侍

郎一人司務一人文選攷功驗封稽勳四凡南京官六年

攷察攷功掌之不由北吏部戶部尙書一人右侍郎一人

司務一人照磨一人十三司郎中十三人員外郎九人主事十七人所轄寶鈔提舉司提舉一人廣儲庫承運庫贓罰庫甲乙丙丁戊五字庫寶鈔廣惠庫軍儲倉各大使一人長安門倉東安門倉西安門倉北安門倉各副使一人龍江鹽倉檢校批總督糧儲一人以戶部右侍郎加禮部

尙書一人右侍郎一人司務一人儀制祠祭主客精膳四

主事一人所轄鑄印局副使一人兵部尙書參贊機務一人右侍郎一人司務一人武選職方車駕武庫四司郎中四人員外郎二人主事五人所轄典牧所提領一人會同館大勝關各大使一成化二十三年始專以本部尙書參贊機務同內外

守備官操練軍馬撫卹人民禁戢盜賊振舉庶務故其職

視五部爲特重云刑部尙書一人右侍郎一人司務照磨各一人十

三司郎中十三人員外分掌南京諸司及公侯伯五府京

衛所刑名之事工部尙書一人右侍郎一人司務一人營

屯田四司郎中四人員外郎二人主事八人所轄營繕所

文思院寶源局軍器局織造所龍江抽分都察院右都御

史一人右副都御史一人右僉都御史一人司務經歷都

人司獄嘉靖後不全設浙江等九道各御史二人福建等四道各御史三

人以一人兼數道凡刷卷巡倉巡江巡城屯田印馬巡

視糧儲監收糧斛點開軍士管理京營比驗軍器皆敘而

差之清軍則偕兵部兵科覈後湖黃冊則偕戶部戶科提

督操江一人以副僉都御史為之通政使司通政使一人

右通政一人右參議一人掌收呈狀付刑部大理寺卿一

人右寺丞一人司務一人左右寺正各詹事府一人翰林

院學士一人不常置以翰林坊局國子監祭酒一人司業

一人監丞一人典簿一人博士三人助教六人太常寺卿

一人少卿一人典簿一人博士一人協律郎二人贊禮郎

光祿寺卿一人少卿一人典簿一人大官珍羞良醢

太僕寺卿一人少卿二人寺丞二人鴻臚寺卿一人

刑工六科給事中六人又戶科給事中一人管理後湖黃

冊行人司左司副一人欽天監監正一人監副一人主簿

五官正一人五官靈臺郎二人太醫院院判一人吏目一

藥局生藥庫五城兵馬司指揮各一人副指揮應天府府

各大使一人各三人吏目各一人

職官表卷四十九
尹一人府丞一人治中一人通判二人推官一人經歷知
事照磨檢校各一人儒學教授一人訓導六人所轄上元
江寧二縣各知縣一人縣丞一人主簿一人典史一人司
獄一人織染局大使一人左右副使各一人都稅司宣課
司四稅課局二各大使一人副使或一人或二人龍江關
運所大使副使各一人批驗所大使一人河泊所官一人
龍江關石灰山關各大使一人副使四人○南京官自永
樂四年成祖往北京置行部尙書備行在九卿印以從是
時皇太子監國大小庶務悉以委之惟封爵大辟除拜三
品以上文武職則六科都給事中以聞政本故在南也十
八年官屬悉移而北南京六部所存惟禮刑工三部各一

侍郎在南之官加南京字於職銜上仁宗時補設官屬除
南京字正統六年定制復如永樂時

謹案周公營洛本在王畿後漢京兆南陽始有陪京之
號而設官置吏仍與列郡無異後周洛京與相并二州
同設六府亦不過行臺尙書省之比唐代始於東都立
尙書省御史臺及分司各官漸開冗濫之端然猶未備
建六官徧置省寺也明自永樂遷都南京官吏已從減
省其後仁宗復以北京爲行在南京各部寺因悉補設
如初迨正統既定都北京南京官僚仍舊並置而實無
職業可任於是投閑置散者則一切屏之於南京其爲
是官者亦率以養高自放不復事事其間如吏部都察

院尚有攷察之責則又借以行其私意遇有一事則紛
紜論列與北京部院互相攻擊羣肆把持徒受冗官之
弊於實政毫無裨補

國家以

盛京爲肇基重地式循舊典備列班聯

聖聖相承以時損益五部侍郎靖共厥職各有專司曹郎則中
外并用以釐眾務仍總其成於在京各部奉天尹丞以
下分猷布化庶績咸熙冗曠悉除官常倍飭
陪京制度斟酌得宜實前代所莫及也

欽定歷代職官表卷四十九

番禺許之璇初校

懷寧丁樹屏覆校

番禺陶福祥再覆校

